

**Protocol da la sezzüda dal Cussagl cumünal da lündeschdi,  
17 avuost 2009, a las 20.00, acta 28**

Preschaints: Jon Carl Rauch; Chasper Alexander Felix,  
Marianne Werro-Lehmann, Jachen Andri Schmidt e  
Georg Salomon  
Rico Zini (protocol)

**Tractandas:**

**241. Protocol**

Il Cussagl cumünal approva il protocol da la sezzüda dals 10 avuost 2009, acta 27.

Protocol

**242. Orientaziuns**

1. Jurist cumünal per la part na da fabrica

Il capo orientescha cha sar Peder Andri Vital (büro d'advocatura Vital & Schucan, Zuoz) s'haja declerà pront da surtour la cussagliaziun juridica dal cumün da Sent, exclus es la part da fabrica e da planisaziun.

Orientaziuns

2. Punt per peduns in Fenga

La secziun Heidelberg dumonda scha'l cumün pudess contribuir alch vi da la reconstrucziun da la punt per peduns chi traversa l'aua dal Fimber. Il cumün da Ramosch ha eir survgni la istessa dumonda. Il capo piglia sü contact cun Ramosch per eruir lur intenziun.

3. Deponia La Fuorcha

Il schef da deponia orientescha cun fotografias chi sajan gnüts deponats illegal, aint la mulda da la firma Mader, ch'id es deponada gio la Fuorcha, 32 pneus da differenta qualità. Il cumün ha fat pro la pulizia chantunala üna denunzcha ed i's sperescha da chattar il cuolpabel.

**243. Permiss da fabrica – Pinggera Fluri e Töna – Ingrondimaint chamonna Punt Crusch**

Sün dumonda da Fluri e Töna Pinggera decida il Cussagl cumünal da dar il permiss per far la lavur seguintamaing:

1. Tenor la dumonda acclus al permiss.
2. Il decret da l'Uffizi pel svilup dal territori dal chantun Grischun BAB es impegnativ.
3. Il Cumün inchascha üna taxa da trattamaint da fr. 200.--.
4. La taxa dal Chantun per la procedura da BAB importa fr. 446.--.
5. Resalv sun ils puncts manzunats aint l'esaminaziun prelineara da la sgüranza d'edifizis dal chantun Grischun.

Permiss da fabrica  
Pinggera Fluri e Töna,  
ingrondir chamonna,  
Punt Crusch

**244. Collavuraziun culla pulizia chantunala**

Il Cussagl cumünal repassa las correcturas fattas vi dal contrat e vi da la cunvegna da prestaziun. El decida da far bun quista documainta per tilla pudair preschantar a la radunanza cumünala. Tenor novas infuormaziuns as prevezza da cumanzar culla collavuraziun als 1. december 2009.

Collavuraziun pulizia  
chantunala

**245. Preproget - Protecziun cunter lavinas Sinestra - Credit da fr. 14'500.--**

Il Cussagl cumünal fa bun ün credit da fr. 14'500.-- (tet da cuosts) pel preproget per construir davent da la punt da fier üna nouva via fin pro'l hotel. La lavur vain fatta da l'ARGE Pitsch/Kirchen da Ftan/Strada.

Credit fr. 14'000,  
preproget, protecziun  
lavinias in Sinestra

**246. Surdatta lavuors lavuratori cumünal**

Davo avair tut cogniziun dal riassunt da l'architecta e las spiegaziuns dal schef d'immundizchas decida il Cussagl cumünal da surdar la seguainta lavur a l'offerent cull'offerta la plü favuraivla.

Surdatta lavuors,  
lavuratori cumünal

**Proceder a man liber:**

1. Sistem d'immundizchas

Trashfox AG, Rümlang

fr. 27'730.25

**247. Diversas schefs**

1. Tempo 30

Il schef da vias orientescha sur da la ultimas masüraziuns da sveltezza in cumün. Ils resultats muossan ch'in general saja gnü sbassà la sveltezza in cumün (a Saglina dafatta per 10 km/h). Masüras supplementaras nu s'haja da trar ingüinas, uschè cha'l tempo 30 aintra a partir da subit in vigur legala. Ün' orientaziun plü detagliada da las masüraziuns segua in ün radunanza cumünala.

Diversas schefs

**248. Varia**

1. Orientaziun per possessurs da 2. abitaziuns

Il capo manaja chi füss bun da far darcheu üna jada ün' orientaziun per possessurs da 2. abitaziuns. Il Cussagl cumünal sustegna la proposta ed i's prouva da chattar ün termin adattà (stagiun d'inviern).

Varia

Fin da la sezzüda: 21.55

L'actuar: